



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

## IZVJEŠTAJ O RADU

### UDRUŽENJA PSIHIJATARA U BOSNI I HERCEGOVINI

za period oktobar 2015. - oktobar 2016.

## A. UVODNE NAPOMENE

U ovom izvještaju, kojeg su pripremili **Generalni sekretari** Udruženja psihijatara u BiH (UPuBiH), *doc. dr sc. Alma Džubur Kulenović i prim. dr Goran Račetović*, izneseni su rezultati rada u periodu između dvije Generalne Skupštine Udruženja, odnosno za period **oktobar 2015 - oktobar 2016**.

U proteklih godinu dana fokusirali smo se na realizaciju aktivnosti iznesenih u dvogodišnjem *Planu rada UPUBiH (2015 – 2016)*, koji je prezentovan i usvojem na Generalnoj skupštini UPUBiH u Sarajevu 2015. godine.

Kao i do sada, ovaj Izvještaj sastoji se iz **pet** (5) komponenti:

1. **PROMOCIJA I ČLANSTVO** u UPUBiH
2. **STRUČNI SKUPOVI** u Bosni i Hercegovini
3. **Svjetska psihijatrijska asocijacija-WPA i UPUBiH**
4. **SARADNJA sa drugim asocijacijama psihijatara**
5. **INFORMISANJE članstva i javnosti**



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

## **B. IZVJEŠTAJ O RADU UPUBiH 2015-2016**

### **1. PROMOCIJA I ČLANSTVO u UPUBiH**

I tokom prethodnog perioda, nastavili smo sa aktivnom promocijom našeg Udruženja, ličnim ili službenim inicijativama, na stručnim događajima u zemlji i okruženju. Ipak, i u 2016. godini trend pada broja članova je nastavljen, te ih je do 31.10.2016. bilo **95**, što predstavlja pad u odnosu na posljednje 3 godine od oko 35% (u prosijeku). I dalje je razlog ovog trenda manja zainteresovanost kolega za lično uplaćivanje na bankovni račun Udruženja. Ipak, UPUBiH je okupilo opet sve profesore i docente bosansko-hercegovačkih Medicinskih fakulteta (Sarajevo, Banja Luka, Tuzla, Foča i Mostar), ali i načelnike/direktore gotovo svih Klinika, Zavoda, Instituta, te bolničkih odjeljenja, kao i najvećeg broja Centara za mentalno zdravlje u BiH. Udruženje je dalo nekoliko preporuka mladim kolegama za internacionalne edukativne cikluse u 2016 i 2017, nakon njihovog obraćanja UPUBiH.

Svaki novi član dobio je informacije o **relevantnim dokumentima UPUBiH** (Statut, Izmijenjeni i dopunjeni Statut, Poslovnik o radu Skupštine i Pravilnik o radu Suda časti UPUBiH) koji su članovima UPUBiH, uz najbitnije etičke dokumente dostupni na web stranici Udruženja, uz Dopune Statuta iz 2010, kao i Izvještaji o radu UPUBiH (2010-2013). Godišnja sjednica Generalne skupštine UPUBiH održaće se Sarajevu u novembru 2016, koja će biti i izbornog tipa (izbor sastava svih Rukovodećih tijela UPUBiH).

U toku godinu dana održan je **jedan** sastanak Rukovodstva UPUBiH (Predsjedništvo zajedno sa Generalnim sekretarima, u junu u Mostaru), na kojem su razmatrana aktuelna pitanja za UPUBiH.

### **2. STRUČNI SKUPOVI u BOSNI I HERCEGOVINI**

U ovom segmentu osvrnućemo se na organizaciju i koorganizaciju drugih skupova psihijataru u BiH.

UPuBiH je u 2016. godini nastavilo sa **koorganizacijom** drugih skupova u BiH. Prvi od njih je **Deseti Simpozij biološke psihijatrije/psihofarmakologije BiH**, organizovan od strane *Udruženja za biološku psihijatriju/psihofarmakologiju u Federaciji BiH (UBPPFBiH) i Klinike za psihijatriju KCU Sarajevo*, čiji je UPUBiH koorganizator već šestu godinu, sa aktivnim učešćem predavača iz reda UPUBiH i pravovremenim i potpunim obavještanjem svih članova UPUBiH ali i drugih profesionalaca iz oblasti mentalnog zdravlja u zemlji i regionu o ovom značajnom stručnom skupu u našoj zemlji. Simpozijum se održao u *Neumu, maja 2016.* i bio je međunarodnog karaktera, okupivši oko 100 učesnika iz cijele zemlje, koji su najvećim dijelom i



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

članovi UPuBiH. Posebno smo zahvalni Predsjedniku UBPPFBiH, *prof. Abdulahu Kučukaliću*, koji je i Predsjednik UPuBiH, kao i ostalim članovima Organizacionog odbora i rukovodstva UBPPFBiH, što je članovima UPuBiH i na ovogodišnjem Simpozijumu olakšano učešće *redukovanjem iznosa kotizacije za 50%*, kao i prethodnih godina. S druge strane, UPuBiH je preko ove kolaboracione aktivnosti započeo saradnju sa Bosanskohercegovačko-američkom Akademijom umjetnosti i nauka (BHAAS) učešćem u organizovanju simpozijuma iz oblasti mentalnog zdravlja tokom Osmih dana BHAAS u BiH.

U Mostaru smo bili koorganizator tradicionalnog Simpozijuma ***Trinaesta Mostarska psihijatrijska subota***, koji se održao početkom *juna 2016.* godine. I ove godine smo imali izvrsnu saradnju u koorganizovanju ovoga skupa saradnjom sa *glavnim organizatorima, mostarskim Medicinskim fakultetom i Klinikom za psihijatriju SKB Mostar*. Osobito nam je drago jer su svi predavači iz BiH članovi UPuBiH, a Generalni sekretar UPuBiH bio je glavni nosioc logističke pomoći organizovanju i održavanju ovog značajnog regionalnog simpozijuma sa međunarodnim učešćem, koji je imao tradicionalno dobru posjećenost (***više od 120 učesnika***).

Za početak novembra 2016. godine planirano je održavanje tradicionalnog godišnjeg simpozijuma našeg Udruženja, XV Psihijatrijskih dana Bosne i Hercegovine, koji će imati međunarodni karakter. Na ovome simpozijumu naši članovi imaju popust na kotizaciju u iznosu 50%, a Simpozijum je podržan od EPA (patronat Evropske psihijatrijske asocijacije), uz planirano održavanje EPA kursa KME, kao nastavka dobre saradnje sa EPA, te je i ove godine kosponzorisan događaj od strane Svjetske psihijatrijske asocijacije.

### **3. SVJETSKA PSIHIJATRIJSKA ASOCIJACIJA-WPA i UPuBiH**

Udruženje psihijata u BiH (UPuBiH) nastavilo je sa aktivnom saradnjom sa ***Svjetskom psihijatrijskom asocijacijom (WPA)***, kao jednim od važnih ciljeva internacionalne promocije Udruženja, ali i bosanskohercegovačke psihijatrije izvan regionalnih okvira. To je svakako i prepoznato u toj krovnoj asocijaciji nacionalnih psihijatrijskih asocijacija, ***čiji je UPuBiH punopravan član, zajedno sa još preko 150 asocijacija***.

**Članarina** za WPA uplaćena je pravovremeno, čime je potvrđen status svakog člana UPuBiH kao člana WPA. U toku 2016. godine, na osnovu poslaničke dokumentacije iz WPA dali smo mišljenje o ***saglasnosti za aplikaciju*** nekoliko asocijacija za status punopravnih ili pridruženih članica WPA. Kao ranije ustanovljena odluka, i u 2016. godini, nastavili smo sa redovnim **obavještanjima Zonalnog Predstavnik**a WPA za našu Zonu, Zonu 9, *dr Stojana Bajraktarova* iz Makedonije o našim aktivnostima u zemlji i van nje, transparentno prema WPA, Zoni 9 WPA i članstvu UPuBiH, i od njega smo dobili usmene pohvale, uz redovna Zonalna



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

obavještavanja. Posebno smo radosni jer smo redovno davali **kontinuirani doprinos** segmentu WPA, **WPA Media Channels**, naročito u dijelu **WPA News**, u kome su članovi svih asocijacija mogli pročitati izvještaje sa zbivanja u BiH. Elektronske primjerke WPA E-bulletin-a i WPA News smo redovno distribuisali svim našim članovima, kao i oficijalni časopis WPA, **World Psychiatry**. Članovi UPUBiH se kontinuirano podstiču na učlanjenje u neku od sekcija WPA, sa tendencijom našeg šireg uključivanja u rad WPA.

WPA je i ove godine podržala održavanje godišnjeg simpozijuma UPUBiH, XV Psihijatrijskih dana BiH i odobrila ko-sponzorstvo našem najznačajnijem skupu u ovoj godini.

#### **4. SARADNJA sa DRUGIM ASOCIJACIJAMA PSIHIJATARA**

U ovom dijelu izvještaja osvrnućemo se na saradnju sa Evropskom psihijatrijskom asocijacijom (EPA), s jedne, i drugim regionalnim asocijacijama psihijatara, s druge strane.

**a.** UPUBiH je u prethodnih godinu dana imalo izuzetno aktivnu ulogu u saradnji sa EPA, na više polja, a prije svega kroz EPA Savjet Nacionalnih asocijacija/Društava psihijatara. Ove godine smo imali delegata na Vanrednoj i Generalnoj skupštini EPA (Madrid, mart 2016.) i zvaničnog delegata na sastanku Savjeta nacionalnih asocijacija psihijatara koje su članice EPA i Drugom EPA Forumu, kao i na sastanku EPA NPAs Council-a tokom Nacionalnog kongresa mađarskih psihijatara u Budimpešti (maj 2016), a planirano je i učešće na tom sastanku tokom novembra 2016, na DGPPN Kongresa u Berlinu. Na EPA Kongresu učestvovao je manji broj članova UPUBiH, sa aktivnim učešćem u različitim dijelovima Naučnog programa. Godišnju članarinu za EPA za 2016. i 2017. godinu uplatili smo pravovremeno. Osim toga, EPA je odobrila patronat XV Psihijatrijskim danima kao i akademski KME EPA kurs tokom simpozijuma, kao dijela intenzivne međusobne promocije UPUBiH i EPA i naših aktivnosti, te podržala naše napore oko sve intenzivnije vidljivosti UPUBiH na evropskoj psihijatrijskoj sceni. Učestvovali smo i u drugim EPA aktivnostima usmjerenim ka udruženjima psihijatara koja su članice EPA.

**b.** Svakako da nismo zanemarili saradnju sa **regionalnim asocijacijama psihijatara**. Kontinuitet saradnje sa **Hrvatskim psihijatrijskim društvom** i **Udruženjem psihijatara Srbije** je nastavljen, uz poziv predavača iz redova UPUBiH na značajnije skupove u Srbiji ili Hrvatskoj, kao i participacijom članova UPUBiH na njihovim stručnim skupovima, sa dvosmjernom putanjom, dolaskom i učestvovanjem pozvanih predavača iz nama susjednih zemalja na skupovima u BiH.

Nastavili smo započete bliže veze i aktivnu participaciju u radu regionalne Asocijacije zemalja Istočne Evrope i Balkana (PAEEB) i Turskim društvom za psihofarmakologiju, te Danubine, a



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИХИЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

započeli smo i saradnju sa BHAAS (Bosanskohercegovačko Američkom Akademijom umjetnosti i nauke).

## 5. INFORMISANJE ČLANSTVA I JAVNOSTI

Ovaj, završni dio Izvještaja o radu UPUBiH, obuhvatiće informacije o web stranici Udruženja, kontinuitet obavještavanja članova UPUBiH i informisanje javnosti u BiH o UPUBiH i drugim pitanjima relevantnim za razvoj mentalnog zdravlja u našoj zemlji.

a. Kontinuirano smo obogaćivali sadržaje **web stranice UPUBiH, [www.upubih.com](http://www.upubih.com)**, kao važne karike informisanja o UPUBiH ali i njegove šire promocije. U sklopu kooperacije i dogovorene promocije ostalih udruženja redovno smo postavljali i informacije o njihovim događajima, radi bolje informisanosti naših članova i njihovog uključivanja i učestvovanja na različitim međunarodnim stručnim događajima. **UPuBiH je u 2016. godini samostalno finansijski podržala nastavak održavanja stranice**, kao dio razumijevanja za napore i značaj UPUBiH u našoj zemlji. Svakako da će sadržaji web stranice biti obogaćivani i dalje, za šta će nam trebati **angažman svakog od članova UPUBiH**.

b. Kao i u posljednjih pet godina, i u 2016. nastavili sa **redovnom i transparentnom informisanošću svih** naših članova o svim relevantnim zbivanjima u BiH i svijetu, uz omogućavanje dostupnosti člancima iz više časopisa (*World Psychiatry, European Psychiatry, Early Interventions in Psychiatry*, i drugi), redovno slali dopune ranijih obavještenja o zbivanjima u psihijatriji ili o novije najavljenim događajima u ovoj godini. Kao i prije (sada već tradicionalno) krajem 2015. godine svaki član UPUBiH dobio je pristup **Listi internacionalnih događaja za 2016**, na web stranici Udruženja, sa oko 30 važnijih događaja u Evropi i u svijetu, uz stalne dopune i već najavljenih događaja ili najave onih koji su van te liste, a lista za 2017 se dovršava i priprema za distribuciju članovima UPUBiH.. Tako su naši članovi mogli pravovremeno planirati svoja učešća na ovim događajima i tokom godine je UPUBiH imao svoje predstavnike/učesnike na većini tih događaja, sa nizom aktivnih učesnika, koji su prezentovali svoja postignuća iz prakse u BiH. Taj način komunikacije sa članovima pokazao se tradicionalno dobrim i jedinstvenim u našoj regiji, te je jedan od važnih činilaca popularnosti UPUBiH među psihijatrima u BiH.

O našim aktivnostima pravovremeno smo **obavještavali ili su o UPUBiH aktivnostima izvještavali pisani i elektronski mediji** (TV i druge novinske kuće), a za događaje u BiH smo formirali i najave događaja preko internetske društvene grupe *Facebook*.

c. Kao od prethodnih godina zacrtani cilj, *Udruženje će i dalje kontinuirano pratiti sve događaje u BiH vezane za psihijatrijsku profesiju i adekvatno reagovati u svim slučajevima gdje procijenimo da treba spriječiti kršenja ljudskih prava korisnika psihijatrijskih usluga i*



UDRUŽENJE/UDRUGA PSIHIJATARA U BOSNI I HERCEGOVINI

УДРУЖЕЊЕ ПСИHIЈАТАРА У БОСНИ И ХЕРЦЕГОВИНИ

PSYCHIATRIC ASSOCIATION OF BOSNIA-HERZEGOVINA

*profesionalaca u mentalnom zdravlju, različite vrsta ataka i pritisaka na psihijatrijsku struku, zloupotrebu psihijatrije od strane pojedinaca, institucija i medija i slično, a u cilju očuvanja digniteta psihijatrije kao struke i psihijatara kao stručnjaka za tu oblast.*

## **C. ZAVRŠNE NAPOMENE**

UPuBiH se **zahvaljuje** svim svojim članovima na kontinuitetu članstva i svim novim članovima, koji su prepoznali našu pozitivnu ideju dobre promocije bosanskohercegovačke psihijatrije, ali i umrežavanja psihijatara u našoj zemlji, sa ciljem daljeg unapređivanja i naše prakse i našeg Udruženja.

Ovaj Izvještaj o radu UPuBiH biće **prezentovan** tokom Generalne skupštine UPuBiH u Sarajevu, 10. novembra 2016. godine i **dostupan** svim članovima UPuBiH na uvid i pregled na internetskoj stranici UPuBiH, [www.upubih.com](http://www.upubih.com).

Sarajevo/Prijedor, 31. oktobar 2016.

**Prim. dr Goran Račetović**

**Generalni sekretar UPuBiH**